



2009-2010



Lecture de documents anciens

Débutant

Document étudié n°5

1410. – Fonds de la Chambre des Comptes de Dijon

Extraits du compte de Jean Perrot, commis du duc de Bourgogne pour le paiement des dépenses occasionnées, de septembre 1409 à janvier 1410, par le siège mis par les troupes du duc au château de Vellexon (Haute-Saône, cant. Fresne-Saint-Mamès).



Archives départementales de la Côte-d'Or
www.archives.cotedor.fr





2009-2010

Débutant

Document étudié n°5

Lecture de documents anciens

S'ens(uivent) les p(ar)ties des despens et missions f(ai)c(t)es pour le fait du siege qui p(re)se(n)te(m) est de p(ar) mons(eigneur) le duc de Bourg(og)ne devant le chastel de Vallexon et paie(z) par Jehan P(er)rot, de Dijon, demora(n)t a Dole, (com)mis par mondit s(eigneur) et par ses l(ett)res patentes a payer ycelles missions.

Et p(re)mie(re)ment est assavoir que, ap(re)s ce que messeigneurs mareschal et bailliz d'amont et d'aval ou conté de Bourg(og)ne et aut(re)s nobles dud(it) conté ont eu advisez ledit chastel de Valexon, fut dit par eulx qu'il n'estoit point p(re)nable d'assault. Et pour ce fut deliberé p(ar) eulx qu'il conviendroit avoir des angins, canons, bombardes et aut(re)s choses necessaires pour battre et desroucher ledit chastel. Et aussi qu'il conviendroit faire les loigis et maisons des nobles et aut(re)s gens de (com)mu(n)es estans pour mondit s(eigneur) aud(it) siege. Et mesmement que, quant lesdiz angins, canons et bombardes s(er)oient prestz, il conviendroit faire bons gros manteaulx fors pour me[tt]re et asseoir au plus pres du chastel q(ue) bonneme(n)t f(air)e se pourroit, pour estre lesdiz gentilzho(m)mes et aut(re)s gens de co(m)munes desso[ubz] et a l'endroit desdiz manteaulx pour faire le gueit de jour et de nuit affin q(ue) nul n'yssit de la forte(re)sse qu'il ne fust incontinant p(ar) eulx reboutez ou p(ri)ns ; lesquels manteaulx il convenoit faire de gros trez, jointis tels et si fors q(ue) ceulx qu'estoient en garnison oudit chastel ne peussent grever ou blecier les gens de mondit s(eigneur) des canons, bombardes ou aut(re)s trais dudit chastel. Pour lesquels abillemens faire de bonne ch(a)rpent(er)ie de bois et aussi po(ur) traire et effectier p(ier)res de canons, angins et bombardes, estoit necessité demander de par mondit s(eigneur) et faire venir audit siege tous les chappuis et macons q(ue) l'on po(ur)roit finer ou conté de Bo[ur]g(og)ne esdiz bailliages d'amont et d'aval pour faire les choses dess[usdites]. [...]

[...] Et aussi, pour faire plus(ieur)s ferrures qu'estoient necessaires pour lesdiz angins, fut advisé par les dessusdiz qu'il (con)venoit avoir necessaireme(n)t deux forges ouvrans aud(it) siege et huit bons ouvriers de fev(re)rie, lesquels bailliz d'amont et d'aval ma(n)d(er)ent et firent venir aud(it) siege incontina(n)t tous lesdiz chappuis et macons po(ur) faire les choses dess(us)d(i)c(t)es et aut(re)s ouvraiges necessaires et que leur s(er)oient ordonn(ez) pour ledit siege. Et ont fait venir huit...

Archives départementales de la Côte-d'Or
www.archives.cotedor.fr